



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Cap. X. De motione quae fit ministerio Angelorum. Quomodo loquantur & illuminent. An hominum mentibus illabi possint.

urn:nbn:de:hbz:466:1-10805

ritatis. Ergo necessaria post divinam visitationem humilitas est, & illius vox assumenda qui dixit, *Exi a me Dominus, quia homo peccator sum.* Necessaria item gratitudo, & cognitio propriæ indignitate in illum refundendum est munus, a quo donum omne procedit. Prudentia denique adhibenda est, & circumspetio, ut id fideliter impletatur, ad quod anima Dei motione inciatur.

CAPUT X.

De motione que fit ministerio Angelorum.

Quomodo loquantur & illuminent. An hominum mentibus illabi possint.

I. **D**ivinam motionem vel ab ipso Deo immediate procedere, vel ministerio Angelorum fieri, jam supra ex mellifluo Doctore constitutum est. Idem afferit gravissimus scriptor Dionysius de coelesti Hierarchia altissime differens. *Angeli, inquit (a), primarij & multipliciter Deum participantes, multisque modis arcum Dei manifestant: quamobrem præ ceteris omnibus Angelicorum cognomen meruerunt, quia ipsi primi a Deo illuminantur, & per ipsos nobis nostræ revelationes transmittuntur.* *Sic igitur lex, ut divinus sermo testatur, per Angelos nobis data est: & illos celebres ante legem & post legem Patres nostros Angelii ad Deum adducebant, aut quod agendum erat exponentes, & ab errore & vita profana ad rectam viam veritatis traducentes: aut manifestantes sacros ordines, aut mysteriorum que supra mundum sunt abditas visiones, aut divinas quædam predictiones tamquam nuncijs & ministri explanantes.* Et infra id sanxisse ait ordinem divine legis, ut per superiora ista, quæ inferiora sunt, ad divinum Numen adducantur: *quod variis comprobat exemplis ex novo Testamento.* *Gum enim debeat infimus ordo Angelorum actus hierarchicos exercere, idque non nisi respectu hominum præstare poslit, constat manifestè, Angelos ius tu Dei sæpe homines mouere & excitare.* Rectè Augustinus (b). *Deus per seipsum, quia lux est illuminat pias mentes, ut ea, quæ divina dieuntur vel ostenduntur, intelligent.* Sed si ad hoc ministro uitetur Angelo, potest quidem aliquid agere Angelus in mente hominis, ut capiat lumen Dei, & per hanc intelligat. *Sed ita dicitur intellectum dare homini, & quasi, ut ita dicam, intellectuare hominem, quemadmodum quisquam dicitur lucem dare domui, vel illuminare domum, cui sensu facit: cum eam non suâ luce penetreret & illustreret, sed tantummodo aditum, quo penetretur arque*

(a) Cap. 4, §. 2. (b) Conc. 18, in Ps. 118.

illuminetur, aperiat. Sed nec Sol, qui per sensuam illustrat dominum, ipse creavit eandem dominum, aut hominem qui sensuam fecit in domo, aut ipse illumine jussit ut faceret, aut adjuvit ipse facientem, aut aliquid egit ut aperiretur, qua suum lumen insinueret. Deus autem & hominis mentem rationabilem atque intellectualem fecit, que posset capere lumen ejus, & Angelum talem fecit, qui operari posset aliquid, unde ad capiendum lumen Dei mens adjuvaretur humana, & eandem sic adjuvat mentem, ut Angelicum recipiat operationem.

II. Sunt autem duo præcipui actus supernorum spirituum erga homines, loquutio & illuminatio. Et illos quidem modo quodam excellensimo loqui sacræ literæ passim testantur; quæ ipsos inter se, & cum hominibus, atque etiam cum Deo colloquentes sæpe describunt. At de modo hujus loquutionis multæ sunt & diversæ Theologorum opiniones, quarum discussio nec hujus loci nec nostri instituti est. Sufficit enim pro re præsenti scire, quod multipliciter cum hominibus loquuntur, vel per voces sensibiles, quas in assumptionis corporibus emittunt: vel easdem voces sensibiles efformando in ære absque corporum assumptione: vel per signa sensibilia concutiendo, pungendo, infligendo alapam, ut passim in actis Sanctorum legimus: vel denique per somnia, aut movendo phantasmatata. Ab hisdem vero hominum mentis illuminari constans est Patrum & Scholasticorum consensus: sed modum quoque hujus illuminationis valde perplexum & difficilem reddunt variae & obscuræ Doctorum sententiae. Quidam aiunt, Angelum illuminantem confortare intellectum illuminati producendo in eo lumen quoddam intellectuale. Alii afferunt illuminantem imprimere illuminato sui luminis participationem. Alii docent, fieri illuminationem per modum speculi; sicut enim ex oppositione duorum speculorum similitudines rerum, quæ sunt in uno, resultant in altero; ita Angeli applicatio ad mentem hominis facit in ea apparere species, quæ sunt in illo. Aliorum opinio est, Angelos illuminare, non infundendo lumen, aut ipsum offerendo instar objecti, aut speculi; sed per modum linguae sermonem exprimenti, sicut magister illuminat docendo. Illi qui putant intellectum nihil posse intelligere, nisi phantasma intuendo, negant Angelum posse hominem illuminare, nisi illustrando phantasmatata, & a gendo super species, quæ in sensu interiori sunt,

tas diversimode dividendo & componendo. Qui vero concedunt, posse fieri intellectu[m] absque phantasmatum speculatione, dicunt Angelum posse intellectum pure & immediatè illuminare, radios suos emittingendo super species intelligibiles, quemadmodum lux sensibilis emicat & splendorem causat in rebus corporis. Nonnulli ita explicant illuminationem. Angelus primò dividit notitiam suam in plures conceptus, ut eam humano intellectui proportionata efficiat. demittens se & accommodans captiuo nostro, sicut præceptor pluribus verbis & similitudinibus explicat discipulis doctrinam, quam ipse unico conceptu intelligit. Deinde confortat intellectum, ipsumque adjuvat & docilem reddit, ut ea percipere possit, quæ sibi revelantur. alii alios modos communiscuntur, in quibus non est opus immorari, omnes enim obscuri sunt, & ob dissidentium Theologorum oppositiones nondum satis elucidati. Longa etiam digressio necessaria foret, & tota sensuum externorum & internorum œconomia enucleanda, ut hæc omnia dilucide à me explicari, & facile à legendibus intelligi ac introspici possent. Ne quid autem de se necessaria cognitioni, quedam breviter adnotabo, quæ certissima sunt, & in quibus omnes convenient.

1. Certum est primò, Angelos docere, excitare, intus homines movere, veritates ignotas à Deo acceptas eisdem manifestare, purgare ipsos ab ignorantia, cognitione illuminare, & novâ aliquâ veritate ad statum gratiae vel gloriae pertinente perficere. Quo autem pacto id præcisè contingat, Scholasticis examinandum relinquo. Agit de loquitione Angelorum Doctor Angelicus 1. p. quest. 107. & de illuminatione quest. 106. & 111. Itemque de veritate quest. 9. art. 1. 2. & 3. & quest. 11. art. 3.

2. Illuminatio species quedam loquutionis est, sed dissentit multis una ab altera. Nam loquutio de quibuscumque rebus esse potest, illuminatio non nisi de revelatis à Deo: illa indifferenter à superioribus & inferioribus esse potest, hæc est tantùm à superioribus: illa per totam æternitatem durabit, hæc cessabit in fine mundi: illa bonis & malis, hæc solis convenient bonis; quamvis enim dæmon possit aliud incognita docere, quia tamen non respicit moralem discentis perfectionem, nunquam dicitur illuminare.

3. Solus Deus humanae menti illabi potest, ipse enim solus plenum in eam dominium exercet, & quicquid vult in ea operatur. Auctor li-

bri de spiritu & anima inter opera Augustini, solius inquit (c), Trinitatis est intrare, & implere naturam sive substantiam, quam creavit. Bernardus item ait (d), Illud Scito, nullum creatorum spirituum per se nostris mentibus applicari, ut videlicet nullo mediante nostri suavè corporis instrumento, ita nobis immiscatur vel infundatur, quod ejus participatione docti sive doctiores, vel boni sive meliore officiamur. Nullus Angelorum, nulla animalium hoc modo mibi capabilis est, nullius ego capax. Nec ipsi Angeliti se alterutrum capiant. Sequestretur proinde prerogativa hæc summo ac circumscripto spiritui, qui, solus cum docet Angelum sive hominem scientiam, instrumentum non querit nostræ corporeæ auris, sicut nec sibi eris. Per se infunditur, per se innoscit, purus capitur a puris. Solus igitur Deus omnia cordis penetralia & recessus intimâ suâ virtute scrutatur, solus animæ inest, replens in bonis desiderium ejus. Ille enim & inest alicui, ut Seraphicus Doctor ait (e), importat quod illud sit intimum illi, & intimè in eo operetur; nihil autem tale reperitur respectu animæ nisi solus Deus, ideo solus illabi animæ potest spiritus divinus, qui est finis ultimus & summum bonum ipsius. Quod si dicas, inquit Bernardus (f), posse inesse & Angelum, non inferior. Meminiscritum Et Angelus qui loquebatur in me (g). At qui differentia & in hoc. Inest Angelus suggestus bina, non ingerens: inest hortans ad bonum, non bonum creans. Deus sic inest ut afficiat, ut infundatur, vel potius, ut infundatur & participetur. Angelus cum anima, Deus in anima. Ille conubernalis animæ inest, Deus ut vita.

4. Dei solius est voluntatem efficaciter movere & immutare, ut docet S. Thomas (h), quia ipse solus est ejus creator & Dominus. Hinc est illud Sapientis (i), Cor Regis in manu Domini, quocumque voluerit, inclinabit illud. Et Apostolus ait (k), Deus est qui operatur in vobis & velle & perficere. Quamvis enim Angelus posit moveare voluntatem proponendo objectum, concitando passiones, suasionibus alliciendo; non tamen potest ita efficaciter movere, sive immutare ut ex invita volentem faciat. Ad solum Creatorem pertinet ex volentibus volentes facere, ut ait Augustinus (l), ex repugnantibus consentientes, ex oppugnantibus amantes. Ipsi psallit Propheta (m)

Dominus

(c) Tom. 3. cap. 27. (d) Serm. 5. in cant. (e) 2. sent. dist. 8. p. 2. qu. 2. (f) Lib. 5. de consid. cap. 5. (g) Zach. 1. (h) 1. 2. qu. 9. art. 6. (i) Prov. 21. 1. (k) Philip. 2. 13. (l) Lib. 4. ad Bonif. cap. 9. (m) Ps. 45.

Dominus solvit compeditos, Dominus illuminat eos. Et apud Ezechiem ipsemet ait (n), Spiritum novum tribuan in vijceribus eorum, & auferam cor lapideum de carne eorum, & dabo eis cor carneum. Hac autem superant omnem Angelorum potentiam.

5. Idem de intellectu afferendum est, in quo realiter operari, aliquid ipsi immediate impriendo, soli convenit Deo, qui solus potest, ut dictum est, intra potentiam spiritualem illabi, ita ut ibi revera sit, & intimus existat. Angelus vero, cum ubi non est operari non possit, non imprimit intellectui, ut docet Angelicus Doctor, quasi interius aliquid in ipso agens, sed solum ex parte objecti, in quantum aliquid intellegibile proponit, quo intellectus noster confortatur, & convincitur ad assensum. Quod si possent Angeli substantialiter aedesse intellectui, occultas cordium cogitationes cognoscere, & qualcumque vellent in nobis produce, possent, quia operantur ubi sunt: huc autem prerogativa & Scripturarum auctoritate, & unanimi Patrum consensu soli Deo reservatur. Ideo orantes Apostoli dixerunt (o), *Tu Domine, qui corda nostri omnium: & Psalista ait (p), Ipsi novit abscondita cordis.* Item in libro Regum orans Salomon dixit (q), *Tu nos solus cor omnium filiorum hominum.* Ex hoc Tertullianus Deum Marcionis ad sui faciendam fidem provocaturum se ait (r) ut & futura prænunciat, & occulta cordis revelat. Ambrosius, Dominus, ait (s), *occultorum cognitione Deum se esse demonstrat.* Augustinus (t), cogitationes quas modo non videt nisi Deus, omnes invicem videbunt in illa societate Sanctorum. Abbas Serenus apud Cassianum soli Deo penetrabiles esse omnes spirituales atque intellectuales substantias ex eo evincit (u), quod solus, totus, & ubique, & in omnibus sit, ita ut & cogitationes hominum, & internos motus, atque abdita mentis universa inspiciat, atque perlunget.

6. Ex his facile colligi potest, quâ ratione intelligenda sit Scriptura, cum dicit (x), misisse diabolum in cor Iude, ut tradaret Dominum; vel intrasse satanam in cor Iude. Considerandum est enim, ut ait S. Thomas (y), quod demon dicitur ingredi posse mentem hominis, non secundum substantiam, sed secundum effectum, in quantum sciens infidem hominem ad aliquid cogitandum.

(n) Ezecl. 11. 19. (o) Alt. 1. 24. (p) Psalm. 43. (q) 3. Reg. 8. 39. (r) Lib. 5. in Marc. c. 15. (s) Ambr. in c. 5. Luce (t) Aug. ser. 6. de divers. (u) Coll. 7. Cap. 13. (x) Ioann. 13. 2. 27. (y) qu. ult. de malo art. 12. in fine.

Possunt nimurum Angeli tam boni quam mali extrinsècmente movere, objiciendo sensibus tam externis quam internis earum rerum species, quæ ad bonum sive ad malum invitant & alliciunt: possunt educere species ex phantasia, ut excent intellectum: & ideò dicuntur aliquando vel causare vel immittente cogitationes, quibus tamen non consentire, cum ad malum provocant, & possimus & debemus. Quod si quispiam eis præbet assensum, tunc dicitur satanas cor eius intrare vel implere, non per intimum illapsum, sed secundum effectum pravarum suggestionum. Non ergo ait Didymus (z), *participatio naturæ sive substantiae implet quempiam diabolus,* aut ejus habitator efficitur, sed per fraudulentiam & deceptionem & malitiam inhabitare in eo creditur, quem replevit.

7. Instinctus Angelicus initio terrorem, in fine adfert consolationem, initio Angelus abscondit se, in fine se ostendit, & prodit. Patent hæc in historia Tobit, & in congressu Gabrielis cum beatissima Virgine Maria. Nam Raphael se in fine rerum gestarum Tobia manifestavit: & B. Virgo primum turbata est in sermone Angelii, deinde confortata respondit, *Ecce Ancilla Domini fiat mihi secundum verbum tuum.* De Angelica motione optimè Antiochus (aa). *Justitiae Angelii verecundie atque intemperati pudoris cupientissimus, mansuetus in super est & tranquillus.* Hic ubi primum ad cor hominis ascendit, cum eo mox sermonem texit familiariter de justitia, de mundicia, & castitate, de probitate morum, de frugalitate sive parsimonia virtus, de operatione que justa sit, denique de omni virtute gloriae coelestis conciliatrice. Similiter atque hæc cuncta ad cor hominis accenderint, perspicue sentitur presentia Angelii justitiae. Cum igitur Angelii boni semper ad bonum excident, eorum instinctus iisdem signis dignoscitur, quibus divinum discerni ostendit supra. Observat autem S. Thomas, eum qui illuminatur cognoscere quidem suam illuminationem ex parte rei que sibi manifestatur, sed non semper cognoscere se ab Angelo illuminari. Multa enim beneficia, quæ occulta sunt, conferunt nobis Angeli sancti, illi præsentim, quorum tutelæ committi sumus.

(z) Lib. 3. de Spíitu sancto. (aa) Ho. 61.